

ALJOŠA ČAMPARA
Delegat u Domu naroda Parlamenta Federacije
Bosne i Hercegovine

Sarajevo, 03.02.2021. godine

PARLAMENT FEDERACIJE
BOSNE I HERCEGOVINE
DOM NARODA

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 03-02-2021			
Org. jed.	Broj	Priloga	Vrijednost
02	-02-	357	21

x7

n/r gđin. Tomislav Martinović, predsjedavajući

PREDMET: Prijedlog zakona o izmjeni Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine – skraćeni postupak, dostavlja se

Poštovani,

U skladu s odredbama člana 172., a u vezi sa čl. 164. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, broj 27/03, 21/09 i 24/20), kao ovlašteni predlagač, dostavljam Vam Prijedlog zakona o izmjeni Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine, radi razmatranja i usvajanja u Parlamentu Federacije Bosne i Hercegovine.

Predlažem da se Prijedlog zakona o izmjeni Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine razmatra po skraćenom zakonodavnom postupku u skladu s članom 164. Poslovnika o radu Doma naroda Parlamenta Federacije Bosne i Hercegovine.

S poštovanjem,

DELEGAT

Aljoša Čampara

ZAKON
O IZMJENI ZAKONA O IZBORU, PRESTANKU MANDATA, OPOZIVU I
ZAMJENI NAČELNIKA OPĆINA U FEDERACIJI BOSNE I HERCEGOVINE

Član 1.

U Zakonu o izboru, prestanku mandata, opozivu i zamjeni načelnika općina u Federaciji Bosne i Hercegovine („Službene novine Federacije BiH“, br. 19/08) član 12., **briše se.**

Član 2.

Ovaj Zakon stupa na snagu osmog dana od dana objavljivanja u „Službenim novinama Federacije BiH“

Predsjedavajući
Predstavničkog doma

Parlamenta Federacije BiH

Predsjedavajući
Doma naroda

Parlamenta Federacije BiH

O B R A Z L O Ž E N J E

I. USTAVNI OSNOV ZA DONOŠENJE ZAKONA

Ustavni osnov za usvajanje Prijedloga zakona o izmjeni Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine sadržan je u odredbi člana IV. A. 20. (1) d) Ustava Federacije Bosne i Hercegovine prema kojem je Parlament Federacije Bosne i Hercegovine nadležna za „donošenje zakona o vršenju funkcija federalne vlast“.

II. RAZLOZI ZA DONOŠENJE ZAKONA

Članom 12. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine propisani je da „nakon prestanka dužnosti načelnika, a do početka ostvarivanja plaće po drugom osnovu ili do ispunjavanja uvjeta za penziju, načelnici imaju pravo na: sa radnim stažom do pet godina, tri mjeseca na naknadu plaće koju su ostvarivali dok su bili na javnoj dužnosti, a sljedećih devet mjeseci 50% od te plaće; sa radnim stažom od pet do 15 godina, šest mjeseci naknadu plaće koju su ostvarivali dok su bili na javnoj dužnosti, a sljedećih šest mjeseci 50% od te plaće; sa radnim stažom od 15 do 25 godina, devet mjeseci naknadu plaće koju su ostvarivali dok su bili na javnoj dužnosti, a sljedeća tri mjeseca 50% od te plaće; sa radnim stažom preko 25 godina, 12 mjeseci naknadu plaće koju su ostvarivali dok su bili na javnoj dužnosti“.

S obzirom na lošu ekonomsku situaciju u Bosni i Hercegovini cijenim kako naknade plaće nakon prestanka dužnosti nisu opravdane te da je u potpunosti razumno nezadovoljstvo građana Bosne i Hercegovine zbog postojanja navedene zakonske odredbe.

Predložene izmjene Zakona nisu složene, a ni obimne te s toga cijenim kako su ispunjeni uslovi da se ovaj prijedlog razmatra po skraćenom postupku u skladu s članom 164. Poslovnika o radu Doma naroda Parlamenta Federacije Bosne i Hercegovine.

III. OBRAZLOŽENJE PREDLOŽENIH RJEŠENJA

Članom 1. Prijedloga zakona predloženo je brisanje člana 12. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine, a kojim je omogućeno primanje naknade plaće nakon prestanka dužnosti načelnika.

Članom 2. Prijedloga zakona definisano je stupanje na snagu zakona tj. da će zakon stupiti na snagu osmog dana od dana objavljivanja u Službenim novinama Federacije BiH.

IV. PROCJENA FINANSIJSKIH SREDSTAVA ZA PROVOĐENJE ZAKONA

Za provođenje ovog Zakona nisu potrebna dodatna finansijska sredstva.